

ପିତରଙ୍କ ଲିଖିତ ପ୍ରଥମ ପତ୍ର ପିତର ରାସ୍ତାମାନି ପାର୍ତୁମ୍ ଆକୁ ଇୟା ଆକୁତୁ ମାନି ଏସ ବିସୟକୁ

ପିତରତି ପାର୍ତୁମ୍ ଆକୁ ପ୍ରେରିତ ପିତରତି ମାଣାନ ରାସାତାମାନାତ୍ । ପିତର ଖାନ୍ ଏନ୍ ମାରି ଖାନ୍ ଏଙ୍ ଇୟା ଆକୁ ରାସନାନ୍ ଆୟା ବିସୟତାନ୍ ଇନ୍ତି ଆକୁ ରାସନାନ୍ । ଖାନ୍ ଇୟା ଆକୁତୁ ଝିନ୍ତୁ ବାସାକିତିମାନି କ୍ରିଷ୍ଟାନ୍ ଲୋକାଙ୍ ସୁଡ଼ୁଆକୁ ରାସନାନ୍ । ୧:୧; ୧:୧୭ ମାରି ୨:୧୧ ଖାନ୍ ଖାନ୍ ପଡ଼ାନିଝାରିଙ୍ ଇୟାଝାଜା ସୁଡ଼ୁଆକୁ ରାସନାନ୍, ଇରିଙ୍ ଖାନ୍ ଆଇଆଇ ଦେସକାଙ୍ ଇନିଙ୍ ଆନିଙ୍ ଆତାମାରାନ୍ ।

ଇରିଙ୍ ଇୟା ଆକୁ ଏସ ବାଡିତୁ ଏପିସିୟ ମଣ୍ଡଲି ଲାକ୍ତୁ ପାଉଲତି ଆକୁ ଝାଜା । ନାଣ୍ଟ ଲୋକୁ ବିସବାସ୍ କିନାର୍ ଜେ, ପାର୍ତୁମ୍ ଆକୁ ଜିସୁ କ୍ରିସ୍ତଦି ଜନମ୍ତି ୬୫ ବାର୍ସେକ୍ ଝେନ୍କା ରାସାତାମାରାତ୍ । ପିତର ଇୟା ଆକୁ ରୋମ୍ତାନ୍ ଆମାତାନିଙ୍ କି ଖାନ୍ ବାବିଲ୍ ଇଜି ଇନାନ୍ ଆବେଶାନ୍ ଖାନ୍ ରାସାତାମାରାନ୍ ୫:୧୩ ।

ପିତର ଇୟା ଆକୁତୁ ଝେରନାନ୍ ଜେ, ଇୟା ଆକୁଦି ଉଦେସ୍ ମିଙ୍ଗ୍ ସାହାସ୍ ସିଦେଙ୍ ଇଜି ମାରି ମାପୁରୁଦି ସାତ୍ ଦୟା ପରିକା କିନିକା ୫:୧୨ । ଇବେନ୍ତୁ ନାଣ୍ଟ ସାମାନ୍ତିକେଙ୍ ମାନେ ୧ ପିତର ୨:୧୧-୩:୭, ଏପିସିୟ ୫:୧୮-୬:୯, ୫:୧ ମାରି କଲସିୟ ୩:୧୮-୪:୬ । ଇୟା ମୁନ୍ତୁ ଆକାଙ୍ ଝିନ୍ତୁ ଅଦ୍ୟାୟତୁ ଇଲୁଦି ମିସାବିଡାନିକା ମାରି ଅଦିକାର୍ ବିସୟତାନ୍ ସିକିୟା ସିନାନ୍ । ସାରାସାରି ବେଡ଼ା ଲାକ୍ତୁ ଆଜି ଝାଜିନିଙ୍ କାସୁ ବେଡ଼ାଦୁ ବା ନେଗେନ୍ତାନ୍ ମାନ୍ତ୍ରେଙ୍ କ୍ରିଷ୍ଟାନ୍ ଲୋକାଙ୍ ସାହାସ୍ ସିନାନ୍ ୪:୧ ।

ଇୟା ଆକୁତୁ ମାନି ମୁକିୟ ବିସୟକୁ

୧. ପିତର ଖାନ୍ ପଡ଼ାନିଝାରିଙ୍ ନିଜେଦି ପରିଚୟ ମାରି ଟିକଣା ସିନାନ୍ । ୧:୧-୨

୨. ପିତର ମାପୁରୁଙ୍କୁଁ ଦନ୍ୟବାଦ ସିନାନ୍ ଜେ, ଝିଜେରେ ମାପୁରୁଦି ପରିତ୍ରାଣତୁ ମିସାନାର ଆମାକା ଖାରି ଜିବନ୍ତି ମାଧ୍ୟମ । ୧:୩-୨:୧୦
୩. ଝେନ୍‌କା ଜଗତ୍‌ତୁ ଏଣ୍ଡେସ୍ ନେଗେନ୍‌ତାନ୍ ଜିଦେଙ୍ଗ୍ ଆନାଡ୍ ମାରି କନ୍‌ଲି ନି ଆଡ୍‌ସି, ପ୍ରବୁ ନି ଦାସ ମାନୁ ଏଣ୍ଡେସ୍ ସମ୍ପର୍କ ଇଡ୍‌ଦେଙ୍ଗ୍ ଆନାଡ୍ ଆକା ଆଦେସ୍ ସିତାମାନାନ୍ । ୨:୧୧-୪:୧୧
୪. ଇୟାତାନିଝେନ୍‌କା କାସ୍ତୁ ବେଡାତୁ ନେଗେନ୍ ଡେବାଦେଙ୍ଗ୍ ପିତର ଖାରିଙ୍ଗ୍ ସାହାସ୍ ସିନାନ୍ । ୪:୧୨-୫:୧୧
୫. ଖାନ୍ ଖାନି ଆକୁ ରାସ୍‌ନିକା ଝିସ୍‌ତାନ୍ । ୫:୧୨-୧୪

୧ ନାନ୍ ପିତର, ଜିସୁ କ୍ରିସ୍ତଦି ଅରେନ୍ ପ୍ରେରିତ ସିସୁ ରାସ୍‌ତିମାନି ଆକୁ ପତ୍ର, ଗାଲାତିଆ, କାପ୍‌ପାଦକିଆ, ଆସିଆ ମାରି ବିତୁନିଆଦି ଦେସ୍‌କାଣି ଇନିଙ୍ଗ୍ ଆନିଙ୍ଗ୍ ଆତିମାନି ଆମା ଲୋକୁ ।

୨ ମିର୍ ବୁବା ମାପୁରୁଦି ବୁଦିଇସାବ୍‌ତାନ୍ ଆସାତିମାନିଦେର୍ । ଜିସୁ କ୍ରିସ୍ତଦି ମାଟା ମାନାଜି ଖାନି ନେତେରତାନ୍ ନେଗେନ୍ ଆନି ଉଣ୍ଡିଙ୍ଗ୍ ମିର୍ ଆମ୍‌ଦି ପାଣିଦି ଉଣ୍ଡି ପବିତ୍ର ଆତିମାନିଦେର୍ । ମି ଉଣ୍ଡିଙ୍ଗ୍ ନାଣ୍ଡଦାନ୍ ମାପୁରୁଦି ଦୟା ମାରି ସାନ୍ତି ଆପିଡ୍ ।

ଉଣ୍ଡି ଜିବନ୍ତି ଆସା

୩ ମା ପ୍ରବୁ ଜିସୁ କ୍ରିସ୍ତଦି ବୁବା ମାରି ମାପୁରୁଙ୍କୁଁ ଦନ୍ୟବାଦ ଆପିଡ୍, ଇରିଙ୍ଗ୍ ଖାନ୍ ଖାନି ଦୟାଦାନ୍ ଜିସୁ କ୍ରିସ୍ତଙ୍ଗ୍ ସାତିମାଣୁକୁ ମାରିଡ୍‌ସିଜିବନ୍ କିଜି ମାଙ୍ଗ୍ ପୁନି ଜିବନ୍ ସିତାମାନାନ୍ । ଇକା ମାଙ୍ଗ୍ ଜିବନ୍ତି ଆସାତୁ ପୁରା କିତାମାନାନ୍ ।

୪ ମାରି ମାପୁରୁ ତାମି ଲୋକା ଉଣ୍ଡିଙ୍ଗ୍ ଆମା ନାଣ୍ଡଦାରାଦି ଆସିର୍ବାଦ୍ ଇଡ୍‌ତାମାନାନ୍, ଆକା ପୋଇନି ଉଣ୍ଡିଙ୍ଗ୍ ମାପୁ ଆସାଦାନ୍ ମାନାପ୍ । ଆକା ଖାନ୍ ମୁସ୍‌କୁପୁରୁଡୁ ମି ଉଣ୍ଡିଙ୍ଗ୍ ଉଣ୍ଡା କିତା ଇଡ୍‌ତାମାନାନ୍ । ଆବେନ୍ନୁ ଆକା ତାର୍‌ଏଣ୍ ଆଏଡ୍, ନାସ୍ତୁ ବା ଖାରାଏଡ୍ ।

୫ ଆମା ରକିୟା ସାରାସାରି କାଡାତୁ ଝେଙ୍ଗ୍‌ନି ଉଣ୍ଡିଙ୍ଗ୍ ତିଆର୍ ଆତାମାନାଡ୍, ଆକା ପୟନି ଉଣ୍ଡିଙ୍ଗ୍ ମିର୍ ବିସ୍‌ବାସ୍‌ତାନ୍ ମାପୁରୁଦି ସାନ୍ତିଦାନ୍ ନେଗେନ୍ ମାନିଦେର୍ ।

୬ ଇବେନୁ ମିର ଝେଡ଼ିକା କିଜିନିଦେର୍, ଜଦିବା ଇଲେଇ ସାଣେକ୍ତି ଉଣ୍ଡିଙ୍ଗ୍ ଏଣ୍ଡେସ୍ ନାନି କାସ୍ ଉଣ୍ଡିଙ୍ଗ୍ ଦୁଃକ୍‌ବୋଗ୍ ବଗାଦେଙ୍ଗ୍ ମିଙ୍ଗ୍ ପଡ଼ାନାଡ଼ ।

୭ ମି ବିସ୍‌ବାସ୍‌ତି ନେଗିକା ପରିକା କିନିକା ଇୟା ଝିଜୁଦି ଉଦେସ୍ । ଝିଜୁନି ବାଙ୍ଗାଁରାମ୍‌ତିଙ୍ଗ୍ ସିସୁଦୁ ପରିକା କିନାର । ମି ବିସ୍‌ବାସ୍ ବାଙ୍ଗାଁରାଓ ତାନ୍ ନାଣ୍ଡ ଦାରା ଆତିମାନିଙ୍ଗ୍ ପରିକାଦାନ୍ ତାନିଙ୍ଗ୍ ପୁରା କିଦେଙ୍ଗ୍ ପଡ଼ାନାଡ଼ । ଜିସୁ କ୍ରିସ୍ତଦି ତରାନି ବେଡ଼ାଦୁ ମିର ଦନ୍ୟବାଦ୍, ଗୌରବ୍ ମାରି ସନ୍‌ମାନ୍ ପୟ୍‌ନିଦେର୍ ।

୮ ମିର ଝାନିଙ୍ଗ୍ ସୁଡ଼୍‌ସୁଣ୍‌ଗା ଜିବନ୍‌ନୋଜିନିଦେର୍, ମାରି, ଇଲେଇବା ସୁଡ଼୍‌ସୁଣ୍‌ଗା ଝାନିମାନ୍ ବିସ୍‌ବାସ୍ କିଜିନିଦେର୍ । ଆମାକା ଝେର୍‌ତେଙ୍ଗ୍ ଆର୍‌ଇକା ବଲ୍ ମାରି ଗୌରବ୍‌ତି ଝେଡ଼ିକା କିଦୁ,

୯ ଆୟା ବିସ୍‌ବାସ୍‌ତି ପଲ୍ ଜେ ମି ଆମ୍‌ଦି ରକିୟା, ଆକା ପୟ୍‌ତିମାନିଦେର୍ ।

୧୦ ମାରି, ଆୟା ରକିୟା ବିସ୍‌ୟତାନ୍ ବାବବାଦିର୍ ମନ୍‌ସିଜି ପୟ୍‌ଜି ମାରି ପୟ୍‌ଜି ମାପୁରୁଙ୍ଗ୍, ମି ଉଣ୍ଡିଙ୍ଗ୍ ମାପୁରୁଦି କିତିମାହ୍ ଦାନ୍ ବିସ୍‌ୟତାନ୍ ବାବବାଣି ଝେର୍‌ତା ମାହ୍‌ର୍ ।

୧୧ ଆୟା ଦାନ୍ ମିର ଏସ୍‌କାଙ୍ଗ୍ ମାରି ଏଣ୍ଡେସ୍ ପୟ୍‌ନିଦେର୍, ନେସ୍‌ତେଙ୍ଗ୍ ଇଜି ଝାର୍ ସେସ୍ କିଜିମାହ୍‌ର୍ । ଇୟା ବିସ୍‌ୟତାନ୍ ପବିତ୍ର ଆମ୍‌ଦି ସାକାଦାନ୍ ଝାର୍ କ୍ରିସ୍ତଙ୍ଗ୍ ଦୁଃକ୍‌କାସ୍ ମାରି ଝେନ୍‌କାରି ଗୌରବ୍ ପୟ୍‌ଜି ବିସ୍‌ୟତାନ୍ ଝେର୍‌ତା ମାହ୍‌ର୍ ।

୧୨ ଇୟାଝିଜୁ ବିସ୍‌ୟତାନ୍ ଝାର୍ ଜେ ନିଜେ ନିଜେଦି ସେବା କିଏଣ୍‌ଗା ମି ସେବା କିଜିମାହ୍‌ର୍, ଇକା ବାବବାଦିରି ଲାକ୍‌ତୁ ଝେଙ୍ଗ୍‌ତା ମାହ୍‌ଡ଼, ମାରି, ଆୟାଝିଜୁ ବିସ୍‌ୟ ମୁସ୍‌କୁପୁରତାନ୍ ପୋକ୍‌ତାତିମାନି ପବିତ୍ରଆମ୍‌ଦି ସାକ୍ତିଦାନ୍ ଇଲେଇ ଆମା କାରୁର୍‌ଝେର୍‌ନିକାର୍ ନେଗିକାରୁର୍ ଝେର୍‌ସିନାର୍, ମିର ଇଲେଇ ଝାରିମାଣୁକୁ ଆୟାଝିଜୁ ମାଟା ଝେନ୍‌ଞ୍ଜିନିଦେର୍, ଇୟାଝିଜୁ ବିସ୍‌ୟତି ଅର୍ତ୍ତ ବୁଜାନି ଉଣ୍ଡିଙ୍ଗ୍ ମୁସ୍‌କୁପୁରତି ଦୁଡ଼କୁ ବା ବଦା କିନେ ।

ପବିତ୍ର ଜିବନ୍ ଜିନି ଉଣ୍ଡିଙ୍ଗ୍ କୁକ୍‌ନିକା

୧୩ ମାରି, ପାଣି କିଦେଇଁ ଜାଗାରତା ମାନୁ, ଜାଗାରତା ମନୁ ମାନଜି ଜିସୁ କ୍ରିସ୍ତୁ ଖାନି ବେଡ଼ାଦୁ ଆମା ଆସିବାଦ୍ ମି ଉଣିଙ୍ଗ ସିଆୟ ଆନାଡ଼, ତାନି ମୁସ୍‌କୁ ପୁରା ଆସା ଇଡ଼ଦୁ ।

୧୪ ମାପୁରୁଦି ମାଟା ଆସୁତୁ । ମି ଆଗଡ଼ି ଆମା ଆସାଦୁ ପୁରା ଆତିମାରୁଇଦେର୍, ଆୟାଞ୍ଜିକୁ ଦାନ ମି ଜିବନ୍ ମାରି ସାଲାମାକିଡ଼ ।

୧୫ ମାତର୍ ମିଙ୍ଗ୍ କୁକ୍‌ନିମାଲିକ୍ ଏଣ୍ଡେସ୍ ପବିତ୍ର, ମିର୍ ବା ନିଜେ ନିଜେଦି ପାଣିଦୁ ଆୟାଞ୍ଜା ପବିତ୍ର ଆଦୁ ।

୧୬ ସାସ୍ତ୍ରଦୁ ରାସ୍‌ତାମାନାଡ଼, “ମିର୍ ପବିତ୍ର ଆଦୁ, ଇରିଙ୍ଗ୍ ମାପୁ ପବିତ୍ର ।”

୧୭ ମାରି ମାପୁରୁ ମକମ୍ ସୁଡ଼ୁଶ୍‌ଗା ଞ୍ଜିକୁ ଲୋକାଦି ପାଣିକିତିମାନି ଇସାବତାନ୍ ବିଚାର କିନାନ୍, ମିର୍ ଖାନି ଲାକ୍‌ତୁ ପାରତାନା କିନିଞ୍ଜାଲେ ଖାନିଙ୍ଗ୍ ବୁବା ଇଜି ସନ୍‌ମାନ୍ କିଜିମାନିଦେର୍, ମାରି, ଇୟା ଦୁନିଆଦୁ ମି ଜିବନ୍‌ତି ନେଗି ବେଡ଼ା ଖାନିଙ୍ଗ୍ ମାନାଜି ତିଲାଜି ଜିଜିମାଡ଼ିଦୁ ।

୧୮ ମିର୍ ନେସ୍‌ନିଦେର୍ ଜେ, ମି ପୁର୍ବେଦିଡ଼କ୍‌ରା ଦାଦାରିମାଣୁକୁ ଖାତିମାନି ନିତିନିୟମ ଜିବନ୍‌ତାନ୍ ମିଙ୍ଗ୍ ମୁକ୍‌ଡ଼ା କିନି ଉଣିଙ୍ଗ୍ ମାପୁରୁ ଏସ୍ ଡାବୁଙ୍ଗ୍ ସିଦେଙ୍ଗ୍ ପଡ଼ାତାମାର୍‌ହାଡ଼, ଆକା ଖିଜ୍‌ନି ଖେଣ୍ଡି ନି ବାଙ୍ଗାଁରାମ୍ ଆଏଡ଼ ।

୧୯ ମାତର୍ ଆକା ଦସ୍‌ସିଲେଶ୍‌ଗା ମାରି ସିନାସିଲି ମେଣ୍ଡା ପିଲା ଖାଜା କ୍ରିସ୍ତୁଦି ନାଣ୍ଡଦାରାଦି ନେତେର୍‌ତାନ୍ ମୁକ୍‌ଡ଼ାତି ମାନିଦେର୍ ।

୨୦ ଖାନ୍ ଦୁନିଆ ତିଆର୍‌ଆତି ଆଗଡ଼ିରାନ୍‌ନେ ମାପୁରୁଦି ମାଣୁକୁ ଆସ୍‌କିଆୟାଆତା ମାର୍‌ହାନ୍ ମାରି ମି ଉଣିଙ୍ଗ୍ ଇୟା ସାରାସାରିକାଡ଼ାଦୁ ଖେଙ୍ଗ୍‌ତା ମାନାନ୍ ।

୨୧ ଆମା ମାପୁରୁ ଖାନିଙ୍ଗ୍ ସାତିଲୋକାମାଣୁକୁ ନିକସି ଗୌରବ୍‌ନିତ କିତାମାନାନ୍, ଆୟା ମାପୁରୁମାନୁ ମିର୍ ଖାନି ମାଣୁକୁ ବିସ୍‌ବାସ୍ କିତିମାନିଦେର୍, ଆଦେଙ୍ଗ୍ ମାପୁରୁ ମି ବିସ୍‌ବାସ୍ ମାରି ଆସା ଡାଡ଼ ଆତାମାନାନ୍ ।

୨୨ ଇଲେଇ ମିର୍ ସଡ଼ତି ସାରିତରିନ୍ ବୁଲାଜିମାନିଙ୍ଗ୍ ନିଜେ ନିଜେଦିଙ୍ଗ୍ ନେଗେନ୍ କିଆତିମାନିଦେର୍ ମାରି ବିସ୍‌ବାସ୍‌ତି ତଡ଼ାନ୍‌କାଙ୍ଗ୍ ଜିବନ୍ ନୋଦେଙ୍ଗ୍ ବଦା ମାନାଡ଼ । ନିଜେନିଜେଦିଙ୍ଗ୍ ଜିବନ୍‌ତାନ୍ ଜିବନ୍‌ନୋଦୁ ।

୨୩ ଇରିଙ୍ଗ୍ ମାପୁରୁଦି ଜିବନ୍ମାନିକା ମାରି ଝିଜୁଦିନ୍ତି ବାକ୍ୟ ଦାନ ମିର୍ ଆମା ସାନିନାନି ବୁବାଦି ମାରିନ୍ ଖାଜା ସିଲେ, ମାତର୍ ଝିଜୁଦିନ୍ତିଙ୍ଗ୍ ମାନି ବୁବାଦି ମାରିନ୍ ଖାଜା ମାରିଡେସି ଜନମ୍ ପୟ୍ତି ମାନିଦେର୍ ।

୨୪ ସାସ୍ତ୍ରୁ ରାସ୍ତାମାନାଡ୍ :

“ଇରିଙ୍ଗ୍ ଝିଜୁ ଲୋକା ଜାତି ଲାଟା ଖାଜା,

ଝାରି ଝିଜୁ ସବା ବନ୍ତି ପୁଙ୍ଗୁ ଖାଜା;

ଲାଟା ଖାର୍ନା ସୋନାଡ୍, ମାରି ପୁଙ୍ଗୁ ରାଲ୍ନାସୋନାଡ୍,

୨୫ ମାତର୍ ମାପୁରୁଦି ବାକ୍ୟ ଝିଜୁଦିନ୍ତିକା ।”

ଇୟା ନେଗିକାବୁର୍ ଆମାକା ମି ଲାକ୍ତୁ ପ୍ରଚାର ଆତାମାନାଡ୍ ।

୨

ଜିବନ୍ତି କାଲୁ ମାରି ପବିତ୍ର ଜାତି

୧ ମାରି, ପୁରୁ ଜେ ନେଗିକାନ୍, ଇକା ଜଦି ଝେଟି ମାନିଦେର୍, ଆର୍ଡିଙ୍ଗ୍ ଝିଜୁ ରକମ୍ତି ତାଗ୍‌ଇକା, ମିର୍‌ଝେରନିକା ମାରି ଟକେକିନିକା, ଆକାର୍ ମାରି ଆଇଝାରିଙ୍ଗ୍ ନିନ୍ଧାକିନିକା ଡିସ୍‌ସି ।

୨ ଆଲ୍‌ଜନମ୍‌ଆତି କଡ଼ ଖାଜା ଆଦୁ, ଝିଜୁଦିନ୍ ପୁରାନେଗି ଦିନ୍‌କେରି ଆମ୍‌କି ପାଲ୍ ଉଣ୍ଡେଙ୍ଗ୍ ଇଜି ଏରକି ସାଦୁ । ଆର୍ଡିଙ୍ଗ୍, ମିର୍ ପିରଜି ରକିୟା ପୟ୍‌ନିଦେର୍ ।

୩ ସାସ୍ତ୍ରୁ ରାସ୍ତାମାନାଡ୍, “ମାପୁରୁ ଜେ ଏଣ୍ଡେସ୍ ନେଗିକାନ୍, ଆକା ମିର୍ ନିଜେଦି ମୋନ୍‌ତାନ୍ ନେସ୍‌ତିମାନିଦେର୍ ।”

୪ ମିର୍ ଆମା ଜିବନ୍‌ମାନି କାଲୁ ଖାଜା ମାପୁରୁ ଦାରାସିଲିକା ଅଡ୍‌ବିଜି ଡିସ୍‌ତାର୍, ଝାନି ଲାକ୍ତୁ ରାଦୁ, ଇରିଙ୍ଗ୍ ଝାନ୍ ମାପୁରୁଦି ଲାକ୍ତୁ ଆସ୍‌କିଆୟ୍‌ଆତାମାନାନ୍ ମାରି ନାଣ୍ଡଦାରା ମାନାନ୍ ।

୫ ମିର୍ ଉନ୍‌ଡି ଜିବନ୍ତି ମନ୍ଦିର୍ ତିଆରକିଦେଙ୍ଗ୍ ଜିବନ୍‌ମାନି କାଲୁ ଖାଜା ବ୍ୟବହାର୍ ଆନି ଉଣ୍ଡିଙ୍ଗ୍ ରାଦୁ । ଆୟା ମନ୍ଦିର୍‌ତୁ ମିର୍ ଜିସୁ କ୍ରିସ୍‌ତି ମାଣାନ୍ ମାପୁରୁ ଆମ୍‌କି ଆସ୍‌ନିନାନି ଦିନ୍‌କେରି ପୁଜା ସିନି ଉଣ୍ଡିଙ୍ଗ୍ ପବିତ୍ର ଜାଜକଦି ପାଣି କିନିଦେର୍ ।

୬ ଦାମ୍‌ସାସ୍ତ୍ରୁ ଇୟାଖାଜା ରାସ୍ତାମାନାଡ୍ :

“ମାପ୍ ଉନ୍‌ଡି ନାଣ୍ଡଦାରାଦି କାଲୁ ଆସ୍‌କିତାମାନାପ୍;

ଆକା ମାପ୍ ସିୟୋନ୍‌ଠି ମୁଲ୍‌କାଲୁ ଖାଜା ତିଆର୍ କିଜିନାପ୍ ।

ମାରି ଏନ୍ ଖାନିମାନ୍ସୁ ବିସବାସ୍ କିନାନ୍, ଖାନ୍ ଏସକାଙ୍ଗ୍
ମୁଲ୍‌ଙ୍ଗ୍‌ମାଲାଙ୍ଗ୍ ଆଏନ୍ ।”

୭ ମିର୍ ବିସବାସ୍ କିତିମାନିଙ୍ଗ୍ ମି ଉଣ୍ଟିଙ୍ଗ୍ ଇୟା କାଲୁ ନାଣ୍ଟ ଦାରା ।
ମାତର୍ ଅବିସବାସ୍‌ତି ଲୋକା ଉଣ୍ଟିଙ୍ଗ୍ :

“ଆମା କାଲୁଦିଙ୍ଗ୍ ଇଲୁକୁ ତିଆର୍‌କିନିକାର୍ ସିଲେ ଇଜି ଲାଡ୍
ତାକ୍‌ତାର୍,

ଆକା ଖିରୁମାଣ୍ଟକୁ ପେରି ଦରକାର୍‌ତି କାଲୁ ଆତାଡ୍ ।”

୮ ମାରି ପବିତ୍ର ସାସ୍ତ୍ରୁ ଆଇ ଉନ୍‌ତ୍ରି ବାତିଦୁ ରାସ୍‌ତାମାନାଡ୍ :

“ଇୟା କାଲୁ ମୁସ୍‌କୁ ଗାଦିଲୋକୁ ତାକାୟ୍‌ଆନାର୍,

ଇୟା କାଲୁପିଲା ଖାରି ସାରିଦି ବାଦାନିକା ଆନାଡ୍ ।”

ଖାର୍ ମାପୁରୁଦି ବାକ୍ୟଦୁ ବିସବାସ୍ କିଏତାର୍, ଆଦେଙ୍ଗ୍ ଖାର୍
ତାକାୟ୍‌ଆତାର୍ । ଇକା ମାର୍‌ହାଡ୍ ଖାରି ଉଣ୍ଟିଙ୍ଗ୍ ମାପୁରୁଦି ବଦା ।

୯ ☆ମିର୍ ଉନ୍‌ତ୍ରି ଆସ୍‌କିଆୟ୍‌ଆତିମାନି କୁଟୁମ୍, ରାଜାଦି ଜାଜକ
ଇଲୁ, ଉନ୍‌ତ୍ରି ପବିତ୍ର ଜାତି ମାରି ମାପୁରୁଦି ନିଜେଦି ଲୋକୁ
ଆତିମାନିଦେର୍ । ମାପୁରୁ ମିଙ୍ଗ୍ ସିକାଟିଦାନ୍ ନିଜେଦି କାବାଆନି
ଜାୟ୍‌ତୁ କୁକ୍‌ତାମାନାନ୍ । ମିର୍ ଖାନି କାବାଆନି ପାଣି ଖିରୁ ଖେର୍‌ତେଙ୍ଗ୍
ଇଜି କୁକାତିମାନିଦେର୍ ।

୧୦ ପୁର୍ବେ ମିର୍ ମାପୁରୁଦି ଲୋକ୍ ଆଏତିମାରିଇଦେର୍, ମାତର୍
ଇଲେଇ ମାପୁରୁଦି ଲୋକ୍ ଆତିମାନିଦେର୍ । ପୁର୍ବେ ମିର୍ ମାପୁରୁଦି
ଦୟା ବିସୟ୍‌ତାନ୍ ନେସ୍‌ଏତି ମାର୍‌ଇଦେର୍, ମାତର୍ ଇଲେଇ ଖାନି
ଦୟା ପୟ୍‌ତି ମାନିଦେର୍ ।

ମାପୁରୁଦି କଟିଗତିମୁରୁଲି

୧୧ ଏ ନା ତଡ୍‌କୁ ନି ତାଙ୍ଗ୍‌କ୍, ମିର୍ ଇୟା ଦୁନିଆଦୁ ଆଇ ଦେସ୍
ମାରି ଖାଜି ତେବାନିଲୋକୁ ଇଜି ନାନ୍ ମିଙ୍ଗ୍ ଅନୁରୋଦ୍ କିଜିନା,
ମିର୍ ମୋନ୍‌ଲୁତି ଆସାଦାନ୍ ଆକ ଆଦୁ, ଆୟାଖିରୁ ଆମ୍‌ଦି ବିରୁଦ୍‌ଦାନ୍
ଜୁଦ୍ କିନାଡ୍ ।

୧୭ ମିର୍ ଅଣଜିହ୍ଵାଦି ଲାକ୍ଷ୍ମୀ ନେଗେନ୍ତାନ ସାଲାବୁଲା କିନ୍ତୁ, ଏଣେସ୍ ଖାର ଆମା ବିସୟତାନ୍ ମିଙ୍ଗ୍ ତାରୁପାଣିକିନିକାର୍ ଇଜି ନିୟା କିନାର୍, ମି ନେଗିପାଣି ସୁଡ଼ୁ କ୍ରିସ୍ତଦି ଖାନିଦିନ୍ତୁ ମାପୁରୁଦି ଦନ୍ୟବାଦ୍ କିନାର୍ ।

୧୮ ପ୍ରବୁଦି ଦରତାନ୍ ଅନୁରୋଦ୍ କିଜିନା, ଝିଜୁ ସାସନ୍କିନିଝାରିଙ୍ଗ୍ ମାନାଦୁ, ଦେସ୍ତି ଝିଜେରିଙ୍ଗ୍ ପେରିସାସନ୍କିନି ରାଜାଦିଙ୍ଗ୍ ମାରି ଆଇଆଇ ସାସନ୍କିନିପେରିଝାରିଙ୍ଗ୍ ମାନାଦୁ,

୧୯ ମାରି ସାସନ୍କିନିକାର୍ ସାସ୍ତି ସିନି ଉଣ୍ଡିଙ୍ଗ୍ ମାରି ନେଗିପାଣି କିଜିମାନି ଲୋକାଙ୍ଗ୍ ଦନ୍ୟବାଦ୍ କିନି ଉଣ୍ଡିଙ୍ଗ୍ ରାଜାଦି ମାଣୁକୁ ବାସେଆତା ମାନାର୍ ।

୨୦ ମାପୁରୁଦି ବଦା, ମିର୍ ଜେ ନେଗିପାଣି କିଜି ବୁଦିସିଲିଝାରି ଝାରିଇ ମାଟେଆଙ୍ଗ୍ ତେବା କିନ୍ତୁ ।

୨୧ ମିର୍ ମୁକ୍ତାତି ଲୋକା ଝାଜା ଜିଜି ମାଡ଼ିଦୁ । ମାତର୍ ମୁକ୍ତାତି ଉଣ୍ଡିଙ୍ଗ୍ ତାରୁ ପାଣି କିମାର୍ । ମାରି ମାପୁରୁଦି କଟିମାନି ଗତିମୁରୁଲି ଝାଜା ଜିଜି ମାଡ଼ିଦୁ ।

୨୨ ଝିଜେରିଙ୍ଗ୍ ମାନାଦୁ, ଝିଜୁ କ୍ରିସ୍ତ ବିସ୍ବାସ୍ତି ତଡ଼ାନ୍କାଙ୍ଗ୍ ନି ତାଙ୍ଗ୍ କାଙ୍ଗ୍ ଜିବନ୍ନୋଦୁ, ମାପୁରୁଙ୍ଗ୍ ଡିଲ୍ଲାଦୁ, ରାଜେଙ୍ଗ୍ ମାନାଦୁ ।

କ୍ରିସ୍ତଦି ଦୁଃଖବୋଗ୍ତି ମାଟା

୨୩ ଏ ସାକର୍କୁ, ମିର୍ ଡିଏଲ୍ତାନ୍ ନିଜେ ନିଜେଦି ମାଲିକ୍‌କା ଆଡ଼ଗି ତେବାଦୁ, କେବଲ୍ ନେଗିକାର୍ ମାରି ଦୟାଲୁ ମାଲିକ୍‌କାଙ୍ଗ୍ ସିଲେ, ମାତର୍ ଦୟାକିଇ ଝାରିଙ୍ଗ୍ ବା ନେଗେନ୍ ମାନାଦୁ ।

୨୪ ମିର୍ ମାପୁରୁଦି ବଦା ନେସ୍ତି ମାର୍ରିଙ୍ଗ୍ ବା ଅନ୍ୟାୟତାନ୍ ସାସ୍ତି ପୟ୍‌ଜି କାସ୍ ସାସ୍ କିନିଦେର୍, ଆର୍ଡିଙ୍ଗ୍ ମାପୁରୁ ମିଙ୍ଗ୍ ଆସିର୍ବାଦ୍ କିନାନ୍ ।

୨୫ ମିର୍ ନିଜେ ନିଜେଦି ଦସ୍ତାନ୍ ଜଦି ଦଣ୍ଡବୋଗ୍ ପୟ୍‌ଜିଙ୍ଗ୍, ଆର୍ଡିଙ୍ଗ୍ ଆବେନ୍ନୁ ଦନ୍ୟବାଦତି ଇନି ମାଟା ମାନାଦ୍ ? ମାତର୍ ନେଗି ପାଣି କିଜିବା ସାସ୍ତି ପୟ୍‌ନିଦେର୍, ଆର୍ଡିଙ୍ଗ୍ ମାପୁରୁ ମିଙ୍ଗ୍ ଆସିର୍ବାଦ୍ କିନାନ୍ ।

୨୧ ମାପୁରୁ ଇୟା ବଦାଦାନ ମିଙ୍ଗୁ କୁକ୍ତାମାନାନ । କ୍ରିସ୍ତ ନିଜେ ମି ଉଣ୍ଡିଙ୍ଗ ଦୁଃକ୍‌ବୋଗ କିଜି ମିଙ୍ଗୁ ଉନ୍‌ଡ୍ର ସାରି ତରତାମାନାନ, ଏଣ୍ଡେସ୍ ମିରୁ ଖାନି ପାଦାମ୍‌ସିନା ସିଜି ଖେନ୍‌କାସନିଦେର୍ ।

୨୨ ଖାନ ଇନି ପାପ୍ କିଏନ୍ ମାର୍ହାନ, ମାରି ଖାନି ଖେନ୍‌ସୁଦାନ ମିର୍ ମାଟା ଖେରନିକା ଏନ୍ ଏସ୍‌କାଙ୍ଗ ଖେନ୍‌ଏନ୍ ମାର୍ହାନ ।

୨୩ ଖାନ ନିଦା ଆନି ଖାଲେ ଡେସି ନିନ୍‌ମାମାଟା ଖେରଏତାନ; ଖାନ ଦୁଃକ୍‌ବୋଗ କିନିଖାଲେ ବାଦ୍‌ଲା ଅତେଙ୍ଗ ତିଲିସ୍‌କିଏନ୍ ମାର୍ହାନ; ମାତର୍ ନ୍ୟାୟ ବିସାରକିନି ମାପୁରୁଦି ମୁସ୍‌କୁ ପୁରା ଆସା ଇଟ୍‌ତାମାର୍ହାନ ।

୨୪ ମାପ୍ ଏଣ୍ଡେସ୍ ପାପ୍‌ତି ଉଣ୍ଡିଙ୍ଗ ସାଜି ମାରି ଦାମ୍‌ଦି ଉଣ୍ଡିଙ୍ଗ ଜିଜି ମାଡିନାପ୍, ଇୟାଉଣ୍ଡିଙ୍ଗ କ୍ରିସ୍ତ ନିଜେ କୁସ୍‌କାଟ୍ ମୁସ୍‌କୁ ନିଜେଦି ମେନ୍‌ଲ୍‌ତାନ ମା ଝିକୁ ପାପ୍ ବନ୍ତୁ ପିଣ୍ଡିତାନ । ଖାନି ମେନ୍‌ଲ୍‌ତି ଆୟା ଗାଉତି ମାଣୁକୁ ମିର୍ ନେଗେନ୍ ଆତିମାନିଦେର୍ ।

୨୫ ଇରିଙ୍ଗ ମିର୍ ମେଣ୍ଡେଙ୍ଗ ଖାଜା ସାରିବାଣାତି ମାରୁଇଦେର୍, ମାତର୍ ଇଲେଇ ମି ମେଣ୍ଡେଙ୍ଗାଗାଉଡ଼ ମୁାରି ଆମ୍‌ଦି ରକିୟାକିନିଖାନି ଖେନ୍‌କା ସନି ଉଣ୍ଡିଙ୍ଗ ଡେସି ଖାତିମାନିଦେର୍ ।

୩

ଆଇ ମାନି କନ୍‌ଲିରି ଉଣ୍ଡିଙ୍ଗ ସିକିୟା

୧ ☆ ଇୟାଖାଜା ଏ ଆଇମେକ୍ ! ମିରୁ ମି କନ୍‌ଲିରିଙ୍ଗ ମାନାଦୁ । ଆର୍‌ତିଙ୍ଗ, ଜଦି ମାପୁରୁଦି ବାକ୍ୟଦୁ ବିସ୍‌ବାସ୍ କିଏଜି ମାନାନ, ଆର୍‌ତିଙ୍ଗ ମି ବୁଲାସାଲାନି ମାଣୁକୁ ଆୟା ବାକ୍ୟ ଉଣ୍ଡିଙ୍ଗ ଖାନି ବିସ୍‌ବାସ୍ ପିରନାଡ଼ । ମିର୍ ପଦ୍‌କେ ବା ଇନିକା ଇନ୍‌ଡ୍ରେଙ୍ଗ ଦର୍‌କାର୍ ସିଲେଡ଼ ।

୨ ଇରିଙ୍ଗ ମି ନେଗି ବୁଲାସାଲାନିକା ମାରି ଦାମ୍‌ ଜିବନ୍ ଖାର୍ ସୁଡ଼ନ୍‌ଦାର ।

୩ ☆ କୁକୁଟି ତିଆରୀଆନିକା, ନିଜେ ରଜନିକା, ନେଗି ଖାତିଗନ୍ଧା ଆରାନ୍ନିକା, ବାଙ୍ଗାଁରାମ୍ ଆରାନ୍ନିକା ଓଜୁ ଆଡ଼ରେ ତିଆରୀଆର ଆଜି ନିଜେଦି ସବା ତରନିକା ମିରୁ କିଜକାମାନାଡ଼ ।

୪ ସତ୍ତି ସୁନ୍ଦର ଆଜିନାଡ଼, ମି ଜିବନ୍ତି ଦାମ୍ ମାରି ସାନ୍ତି ମାରଗିତିମାନିକା ସୁନ୍ଦର ମାପୁରୁଦି କାଣେକେଆଙ୍ଗା ଓଜୁଦିମାଣୁକୁ ନାଣୁନେଗିକା ।

୫ ପୁର୍ବେକାଡ଼ାଦୁ ଆମା ଦାମ୍ବୁଦି ଆଇମେକ୍ ମାପୁରୁଦିମାନୁ ଆସା ଇଡ଼ତେମାରେଏ, ଖାକୁ ନିଜେଦି କନ୍ଲିରିଙ୍ ମାନାନିମାଣାନ୍ ନିଜେଦିଙ୍ ନେଗେନ୍ ତିଆର ଆଜି ମାରଏ ।

୬ ସାରା ଆୟାଖାଜା ଅରେଡ଼ ଆଇମା ମାର୍ହାଡ଼ । ଖାଦ୍ ଅବ୍ରାହାମ୍ଦି ମାଟା ମାନାଜି ଖାନିଙ୍ ପ୍ରୁ ଇଜି ମାନାଜିମାରାଡ଼ । ମିରୁ ଇଲେଇ ତାନି ଗାଡ଼ସିକ୍ । ଜଦି ମାନାତିଙ୍, ଆରତିଙ୍, ଇନି ବିସୟ୍ ମିଙ୍ ମାରି ତିଲିସ୍ କିଦେଙ୍ ଆର୍ଏଡ଼ ।

୭ ☆ଏ କନ୍ଲିର୍, ଆୟାଖାଜା ମି ଆଡ଼ିକାଙ୍ ସାକିସିଲି ତଡ଼ ଇଜି ନେସ୍ସି ଖାନିକା ଉଣ୍ଟିଙ୍ ସାସ୍ ଆସ୍ସି ତେବାଦୁ । ଖାନିକାଙ୍ ମାନାଦୁ । ଖାକ୍ ବା ମି ଖାଲେ ମାପୁରୁମାନୁ ଜିବନ୍ନୋନି ଦୟାଦାନ୍ ପଇନେ । ମିରୁ ଖାନିକା ଉଣ୍ଟିଙ୍ ନେଗେନ୍ତାନ୍ ସୁଡ଼ଡୁଙ୍, ମି ପାରତନା ଏଣ୍ଟେସ୍ ବାଦା ଆଏଡ଼ ।

ଦାମ୍ବୁଦି ପାଣି ଉଣ୍ଟିଙ୍ ଦୁଃକ୍ପୟନି

୮ ସାରାସାରିଝେନ୍କା, ମିର୍ ଓଜେରେ ଉନ୍ତେମୋନ୍ ଆଦୁ, ନିଜେନିଜେଦି ସୁକ୍ଦୁଃକ୍ତୁ ଅର୍ସେ ତେବାନିକା, ତଡ଼ାନ୍ତିଙ୍ ଜିବନ୍ନୋନିକା, ସିଡ଼ଡ଼ି ଜିବନ୍ ମାରି ସାନ୍ତି ଆଦୁ;

୯ ନିସ୍ପୁର୍ ବାଦ୍ଲୁ ନିସ୍ପୁର୍ କିମାଟ୍, ଆନାଦୁରିଆ ବାଦ୍ଲୁ ଆନାଦୁରିଆ ଇଡ଼ମାଟ୍; ତାନି ବାଦ୍ଲୁ ଆସିର୍ବାଦ୍ କିଦୁ, ଇରିଙ୍ ଇୟାଉଣ୍ଟିଙ୍ ମାପୁରୁ ମିଙ୍ କୁକ୍ତାମାର୍ହାନ୍ ମାରି ଇକା କିନି ମାଣୁକୁ ମିରୁ ଆସିର୍ବାଦ୍ ପୟନିଦେର୍ ।

୧୦ ସାସ୍ତ୍ରୁ ରାସତାମାନାଡ଼,
“ଜଦି ଏନ୍ ଜିବନ୍ତୁ ସୁକ୍ବୋଗ୍ କିଦେଙ୍

ମାରି ସୁକ୍ତି ଦିନ୍ ସୁତରୁଦଙ୍କ ବଦା କିନାନ୍,
 ଝାନ୍ ତାଗ୍‌ଇ ମାଟେଙ୍କ ଇନ୍‌ମାକିନ୍
 ମାରି ବାଣ୍ଟିସ୍ ମାଟେଙ୍କ ଝେର୍‌ତେଙ୍କ ଆଲ୍‌ଜମାନିନ୍ ।

୧୧ ଝାନ୍ ତାଗ୍‌ଇପାଣିଦାନ୍ ଆକ ମାନ୍‌ଞ୍ଜି ସତ୍‌ପାଣି କିପିନ୍;
 ମାରି ଜିବନ୍‌ତି ଝାଲେ ସାନ୍ତି ପାଣି ପଇନି ।

୧୨ ଇରିଙ୍କ ଦାମ୍‌ଦିଲୋକା ଉଣ୍ଟିଙ୍କ ପ୍ରବୁଦି ସାକା ମାନାଡ୍
 ମାରି ଝାରି ପାର୍‌ତନା ଝେନାନ୍;
 ମାତର୍ ଝାନ୍ ତାଗ୍‌ଇଝାରିଙ୍କ ବିରୁଦ୍ କିନାନ୍ ।”

୧୩ ମାରି ମିର୍ ଜଦି ସତ୍‌ପାଣି କିଦେଙ୍କ ମୋନ୍ ସିନିଦେର୍, ଆର୍‌ତିଙ୍କ
 ଏନ୍ ମିଙ୍ଗ୍ ନିସ୍ତୁର୍ କିନାନ୍ ?

୧୪ ☆ଦାମ୍‌ଦି ଉଣ୍ଟିଙ୍କ ମିରୁ ଦୁଃକକାସ୍ ପୟ୍‌ତିଙ୍କ ବା ମିର୍ ସତ୍‌ତାନ୍
 ସୁକ୍‌ମାନିଦେର୍ । ଏଙ୍କ୍‌ବା ତିଲାମାଟ୍; ଆର୍‌ଏ ସିନ୍ତା କିମାଟ୍ ।

୧୫ ମାତର୍ ଜିବନ୍‌ତାନ୍ କ୍ରିସ୍‌ଟଙ୍କ ମାନାଜି, ଝାନିଙ୍କ ପ୍ରବୁ ଇଜି ମାନାଦୁ
 । ଜଦି ଏନ୍ ମିମାନ୍ ମାନି ଆସାଦି ମାଟା ବିସୟ୍‌ତାନ୍ ଝେନ୍‌ବାନାନ୍,
 ଝାନିଙ୍କ ମାଟା ସିଦେଙ୍କ ଝିଜୁଦିନ୍ ଜାଗାର୍‌ତା ମାନ୍‌ଡୁ ।

୧୬ ମାତର୍ ସାନ୍ତିଦାନ୍ ମାରି ତିଏଲ୍‌ତାନ୍ ନେଗି ବୁଦିଦାନ୍ ମାଟା
 ଝେର୍‌ଡୁ । ମି ବୁଦିଦିଙ୍କ ନେଗେନ୍ ଇଡ୍‌ଡୁ । ଆର୍‌ତିଙ୍କ, ମିରୁ କ୍ରିସ୍‌ଟି
 ଝେନ୍‌କାସନିଝାଜା ପାଣି କିଜିମାନିଝାଲେ, ଆମାକାର୍ ମି ବାଣ୍ଟିସ୍ ମାଟା
 ଝେର୍‌ନାର୍, ଆବେନ୍‌ ଝାର୍ ସେମାର୍ ଆନାର୍ ।

୧୭ ମାତର୍ ତାଗ୍‌ଇପାଣିଦି ଉଣ୍ଟିଙ୍କ ଦୁଃକ୍ ପୟ୍‌ନି ବାଦ୍‌ଲୁ ମାରି ଜଦି
 ମାପୁରୁଦି ବଦା ଆନାଡ୍, ଆର୍‌ତିଙ୍କ ସତ୍‌ପାଣି କିଜି ଦୁଃକ୍ ପୟ୍‌ନିକା
 ନେଗେଡ୍ ।

୧୮ ମିଙ୍ଗ୍ ମାପୁରୁଦି ଲାକ୍‌ଡୁ ତାନି ଉଣ୍ଟିଙ୍କ କ୍ରିସ୍‌ଟ ନିଜେ ଦାମ୍‌ଦିକାନ୍
 ଆଜି ଅଦାମ୍‌ ଲୋକ୍ ପାପ୍ ଉଣ୍ଟିଙ୍କ ନିଜେଦି ଜିବନ୍ ସିତାନ୍ । ଇୟା
 ପାଣି ଝାନ୍ ପୁରାଅର୍‌ସେ ଝିଜୁଦିନ୍‌ତି ଉଣ୍ଟିଙ୍କ ପୁରା କିତାମାନାନ୍ । ଝାନ୍
 ମେନ୍‌ଲ୍‌ତାନ୍ ସାତାନ୍, ମାତର୍ ଆମ୍‌ବାଦାନ୍ ଜିବନ୍ ଆତାନ୍;

୧୯ ଆବେନ୍ ବା ଝାନ୍ ଜଇଲ୍‌ଡୁମାନି ଆମ୍‌ଆଙ୍ଗା ଲାକ୍‌ଡୁ ସଲ୍‌ସି
 ପ୍ରଚାର୍ କିତାନ୍ ।

୨୦ ପୁରବେକାଡ଼ାଦୁ ନୋହଦି ବେଡ଼ାଦୁ ଏରୁଜାହାଜ୍ ତିଆର୍ କିନିଝାଲେ, ନାସ୍ତିଝାଲେ ମାପୁରୁ ସାସ୍ ଆସ୍‌ସି କାପକିଜି ମାର୍ହାନ୍, ନାସ୍ତିଝାଲେ ଆମା ଲୋକୁ ମାପୁରୁଦି ମାଟା ଆସ୍‌ଏର୍ ମାର୍ହାର୍ । ଆୟା ଜାହାଜ୍‌ଦୁ ଡଗ୍‌ଗିତାରୋ ଆମା ଉଣା ଲୋକ୍ ଝିଜେର୍‌ମିସାଜି ଆର୍ ଲୋକ୍ ମାର୍ହାର୍, ମାତର୍ ଗାଲିପିରୁଦାନ୍ ରକିୟା ପୟ୍‌ତାର୍ ।

୨୧ ଆବେଣି ସିନାଝାଜା ହୁବନ୍ ଅତାର ଇୟା ହୁବନ୍ ମି ମୋନ୍‌ଲୁତି ରୋପି ସୋଲ୍‌ସିପ୍ କିଏଡ୍, ମାତର୍ ମାପୁରୁଦି ଲାକ୍‌ହୁ ନେଗି ବୁଦି ପୟ୍‌ନି ଉଣ୍ଡିଙ୍ ପାର୍‌ତାନା କିତାନ୍, ଜିସୁ କ୍ରିସ୍‌ତୁଦି ମାରିଡେସିଜିବନ୍‌ଆଜିନିଙ୍‌ନି ମାଣୁକୁ ଇଲେଇ ମିଙ୍ଗ୍ ରକିୟା କିଜିନାଡ୍;

୨୨ ଆୟା କ୍ରିସ୍‌ ଇଲେଇ ମୁସ୍‌କୁପୁର୍‌ହୁ ମାପୁରୁଦି ଉଣେରି ତରିନ୍ ବାସ୍‌ତା ମାନାନ୍, ମୁସ୍‌କୁପୁର୍‌ତି ଦୁଡ୍‌କୁ ମାରି ଝିଜେରେ ଅଦିକାର୍‌ପୟ୍‌ତିକାର୍ ମାରି ସାକ୍ତିମାନିଝାରି ମୁସ୍‌କୁ ସାସନ୍ କିଜିନାନ୍ ।

୪

ପୁନି ଜିବନ୍

୧ କ୍ରିସ୍‌ ମୋନ୍‌ଲୁତୁ ଦୁଃକ୍ ପୟ୍‌ତିମାନିଙ୍ ମିର୍ ବା ଝାନି ଝାଜା ମୋନ୍‌ତିଙ୍‌ଡେପ୍‌ସି ନେଗେନ୍ ଆଦୁ ଜେ, ଇରିଙ୍ ଏନ୍ ମୋନ୍‌ଲୁତୁ କାସ୍‌ସାସ୍ କିନାନ୍, ଝାନ୍ ମାରି ପାପ୍‌ହୁ ତେବାଏନ୍ ।

୨ ଏଣ୍ଡେସ୍ ମିର୍ ଇଲେଇରାନ୍ ଜିବନ୍‌ହୁ ତେବାନି ଦିନ୍ ଲଇ ଲୋକ୍‌ତି ମୋନ୍‌ଲୁତି ଆସା ଇସାବ୍‌ତାନ୍ ସାଲାଏଣ୍‌ଗା ମାପୁରୁଦି ବଦାଦାନ୍ ସାଲାଦୁ ।

୩ ଆଗିଡି ମିର୍ ଅଣଜିହୁଦିରି ଝାଜା ପାଣି କିଜି ନାଣୁ ବେଡ଼ା କାଟେକିତି ମାନିଦେର୍ । ମି ଜିବନ୍ ଲୋଇ ଝିଜୁ ରକମ୍‌ତି ପାପ୍, ଲାଲାୟ୍‌ଆନିକା, କାଡ୍ ଉଣିକା, ରସ୍‌ୟାଆନିକା, ସୋସ୍‌ନିକା ମାରି କାଡ୍‌ନି ବମା ପୁଜାଦୁ ଜିଜିମାର୍‌ଇଦେର୍ ।

୪ ମିର୍ ଇଲେଇ ଆୟାଝାଜା ପେରି ତାଗ୍‌ଇ ପାଣିଦୁ ଝାରି ଝାଲେ ମିସାଏତିଙ୍ ଝାର୍ କାବାଆଜି ମିଙ୍ଗ୍ ନାଣୁ ନିନ୍ଦା କିତାର୍ ।

୫ ମାତର ଆମା ମାପୁରୁ ଜିବନ୍ ମାରି ସାତିଝାରିଙ୍ଗ ବିଚାର କିଦେଙ୍ଗ ମାନାନ୍, ଝାନି ଲାକଡୁ ଝାରିଙ୍ଗ ଇସାବ୍ ସିଦେଙ୍ଗ ପଡ଼ାନାଡ଼ ।

୬ ଇରିଙ୍ଗ ଇୟାଉଣ୍ଡିଙ୍ଗ ସାତିଝାରି ଲାକଡୁ ବା ସୁସମାଚାର ପ୍ରଚାର କିତାମାହାର୍, ଏଣ୍ଡେସ୍ ଝାର ଲୋକା ଝାଜା ମୋନ୍ଦଲ୍ଲତାନ୍ ବିଚାର ଆତିଙ୍ଗବା, ମାପୁରୁଦି ଝାଜା ଆମ୍ବାଦୁ ଜିବନ୍ ଆନାର୍ ।

ମାପୁରୁଦି ଦାନ୍ତିଙ୍ଗ ନେଗେନ୍ ପାଣିକିନିକାନ୍

୭ ମାତର ଝିଜୁ ବିସୟତି ଝିଜିନ୍ ଦିନ୍ ଲାକଡୁ ଝାତାଡ଼ିନ୍ । ମାରି ମିର୍ ମନ୍ତିଙ୍ଗ ତିର୍ ଇଡ଼ଜି, ପାରତନା କିଦେଙ୍ଗ ଜାଗାରତା ମାନ୍ତୁ,

୮ ଝିଜେରିଝାଜା ନିଜେନିଜେଦିଙ୍ଗ ଜିବନ୍ତାନ୍ନୋଦୁ, ଇରିଙ୍ଗ ଜିବନ୍ନୋନିକା ପିଡ଼ିକନାଡ଼ ପାପତିଙ୍ଗ ।

୯ ଗୁଜୁ ଗୁଜୁ ଆଏଣ୍ଗା ଲୋକାଙ୍ଗ ମି ଇଲ୍ଲକାଙ୍ଗ କୁକଡୁ ।

୧୦ ଏନ୍ ଏମେ ଦାନ୍ ପୟତା ମାନାନ୍, ତାନି ଜଗତି ନେଗେନ୍ ପାଣିକିନିଝାଜା ଆଇଝାରି ନେଗେନ୍ ଉଣ୍ଡିଙ୍ଗ ଆୟା ଦାନ୍ତି ନେଗି ସେବା କିନିକା ମାନାଡ଼ ।

୧୧ ଏନ୍ ପ୍ରଚାର କିନାନ୍, ଝାନ୍ ମାପୁରୁଦି ବାକ୍ୟ ପ୍ରଚାର କିପିନ୍ । ଏନ୍ ଜଦି ସେବା କିନାନ୍, ଝାନ୍ ମାପୁରୁଦିମାଣୁକୁ ସାକ୍ତି ପୟତିମାନି ଲୋକ୍ ଝାଜା ସେବା କିପିନ୍, ଏଣ୍ଡେସ୍ ଜିସୁ କ୍ରିସ୍ତଦି ମାଣାନ୍ ମାପୁରୁ ଦନ୍ୟବାଦ ଆନାନ୍; ଜୁଗ୍ ଜୁଗ୍ ଗୌରବ୍ ମାରି ପରିସାକ୍ତି ଝାନିଦି ଆପିଡ଼ । ଆମେନ୍ ।

କ୍ରିସ୍ତାନ୍ ଜିବନ୍ତୁ ଦୁଃକ୍

୧୨ ଏ ନା ତଡ଼ଜୁ ନି ତାଙ୍ଗ୍ ଏମେ ସିସୁ ପରିକାଦୁ ମିର୍ ଦୁଃକ୍ ପୟଜିନିଦେର୍, ଆକା ଉଣ୍ଡି ପେରିମାଟା ଇଜି ଅଡ଼ବିଜି କାବା ଆମାଟ୍ ।

୧୩ ମାରି ଝେଡ଼ିକା ଆଦୁ, ଇରିଙ୍ଗ ମିର୍ କ୍ରିସ୍ତଦି ଦୁଃକ୍ ପୟନିମାନ୍ ମିସାଜିନିଦେର୍, ଆୟା ପାଣିଦିଙ୍ଗ ଝେଡ଼ିକା ଆଦୁ, ଝାନି ମହିମା ତରାନି ଝାଲେ ବା ମିର୍ ନାଣୁଝେଡ଼ିକାଦାନ୍ ଝେଡ଼ିକା ଆଦୁ ।

୧୪ ଜଦି ମିରୁ କ୍ରିସ୍ତଦି ଝେନ୍କାସୋନି ଉଣ୍ଡିଙ୍ଗ ନିଦା ପୟତିଙ୍ଗ, ମିରୁ ଆସିର୍ବାଦ୍ତି ଲୋକୁ, ଇରିଙ୍ଗ ମାପୁରୁଦି ଗୌରବ୍‌ମୟ୍ ଆମ୍ବା ମିମାନ୍ ତେବାତା ମାନାଡ଼ ।

୧୫ ମି ଲୋଭରାନ୍ ଏନ୍ ଲୋକାଙ୍କ ସାୟାମାରଗା ଡାକ୍ନିକା, ଡଙ୍ଗାଏନ୍ ମାରି ତାଗ୍‌ଇପାଣି, ନି ଜାତିକିନି ଉଣ୍ଡିଙ୍ଗ ଦୁଃକ୍ ପୟମାକିନ୍ ।

୧୬ ମାତର୍ ମିରୁ ଜଦି କ୍ରିସ୍ତବିସ୍‌ବାସ୍ ଆତିଉଣ୍ଡିଙ୍ଗ ଦୁଃକ୍ ପୟଜିନିଦେର୍, ଆର୍ଡିଙ୍ଗ ସେମାର୍ ଆମାଟ୍ । ମାପୁରୁଙ୍ଗୁଁ ଦନ୍ୟବାଦ୍ ସିଦ୍ଧୁ, ଇରିଙ୍ଗ ମିର୍ କ୍ରିସ୍ତଦି ଦରୁ ଆସ୍ତିମାନିଦେର୍ ।

୧୭ ବିଚାରକିନି ଦିନ୍ ଇଗା ଖାତାଡ୍ ମାରି ମାପୁରୁଦି ଲୋକୁ ଆଗ୍ତି ବିଚାର୍ କିଆୟ୍‌ଆନାର୍ । ଜଦି ମାବାଣାନକୁ ଆକା ଆରାମ୍ ଆନାଡ୍, ଆର୍ଡିଙ୍ଗ ୱାମେକାର୍ ମାପୁରୁଦି ସୁସମାତାର୍ ବିସ୍‌ବାସ୍ କିଏର୍, ଖାରି ସାରାସାରିଦି ଦଣ୍ଡୁ ଏସା ପେରିକା ଆଏଡ୍ ?

୧୮ ଦାମ୍‌ସାସ୍ତ୍ରଦୁ ରାସ୍‌ତାମାନାଡ୍ :

ଜଦି ଦାମ୍‌ସିଲୋକୁ ରକିୟା ପୟ୍‌ଦେଙ୍ଗ ନିସା କାସ୍ତୁ

ଆର୍ଡିଙ୍ଗ ଅଦାମ୍‌ସିଲୋକୁ ମାରି ପାପି ଲୋକା ଦଣ୍ଡୁ ଏସ ଆଏଡ୍ ମାନାଡ୍ ?

୧୯ ମାରି, ଆମାକାର୍ ମାପୁରୁଦି ଇଚ୍ଛାଦାନ୍ ଦୁଃକ୍‌ବୋଗ୍ କିନାର୍, ଖାର୍ ନେଗି ପାଣି କିଜି ଖାନିମାନୁ ପୁରାଦାନ୍ ଆସା ଇଡିର୍ । ଖାରିଙ୍ଗ୍ ତିଆରକିତି ବିସ୍‌ବାସ୍ତି ମାପୁରୁ ଝିଜୁଦିନ୍ ଖାନି ପାର୍‌ମାଣ୍ ରକିୟା କିନାନ୍ ।



ମାପୁରୁଦି ମେଣ୍ଡେଙ୍ଗ୍‌ମାନ୍ଦା

୧ ନାନ୍ ଅରେନ୍ ପେରିନେତା ଇସାବ୍‌ତାନ୍ ମିଙ୍ଗ୍ ମଣ୍ଡଲିଦି ପେରିନେତାରିଙ୍ଗ୍ ମାଡିସ୍ କିଜିନା । ମାରି କ୍ରିସ୍ତଦି ଦୁଃକ୍ ପୟ୍‌ନିମାନୁ ନାନ୍ ଅରେନ୍ ସାକି ମାରି ଖାନି ଗୌରବ୍ ତରାୟ୍‌ଆନି ବେଡାଦୁ ନାନ୍ ଆବେନ୍ ସାକି ତେବାନା ।

୨ *ମାପୁରୁ ମି କିୟୁଦୁ ଆମା ମେଣ୍ଡେଙ୍ଗ୍ ମାନ୍ଦାଦି ଦାଇଡ୍ ସିତାମାନାନ୍, ନାନ୍ ମାଡିସ୍ କିଜିନା, ମିରୁ ଜାସେକିନିଖାଜା ଆକା କିଏଣ୍‌ଗା ଝେଡିକାଦାନ୍ ଖାନିକାଙ୍ଗ୍ ସେବା କିଦୁ । ମାତର୍ ମାପୁରୁଦି

ବଦାଦାନ ନେଗି ମୋନତାନ, ଦନ୍ ଆସାଦି ଉଣ୍ଡିଙ୍ଗ ଆକା କିଏଣ୍ଗା, ମାତର୍ ଷ୍ଟେଡିକାଦାନ ଆକା କିଦୁ ।

୩ ମାରି ଆମାଝାରି ଦାଉଡବୋଜୁ ମି କିୟୁଦୁ ସର୍ପେ ଆତାମାନାଡ, ଝାରି ମୁସକୁ ସାସନ୍ କିଏଣ୍ଗା ମାୟା ଉଣ୍ଡିଙ୍ଗ ନିଜେଦି ଜିବନ୍ତୁ ସାରିତରୁନି ଲୋକା ଖାଜା ଆଜି ଆକା ତରତୁ ।

୪ ଏସ୍ତିଝାଲେ ପେରି ମେଣ୍ଡେଙ୍ଗାଉଡ଼ ଝାନାନ, ମିରୁ ଗୌରବ୍ଦି ମୁକୁର୍ ପୋଇନିଦେର୍ । ତାନି ଜାୟ୍ ଏସକାଙ୍ଗ ନାମ୍‌ଏଡ଼ ।

୫ ଆୟାଝାଜା, ଏ ମୁରୁକଡର୍ ମିରୁ ପେରିନେତାରି ମାଟା ମାନାଦୁ । ମିରୁ ଝିଜେରେ ନିଜେନିଜେଦି ସେବା କିନି ଉଣ୍ଡିଙ୍ଗ କାର୍ମୁନାନି ଆଙ୍ଗ ଆରାଦୁ । ସାସ୍ତୁ ରାସାତାମାନାଡ, “ମାପୁରୁ ଆକାର୍ ଲୋକାଙ୍ଗ ବିରୁଦ୍ କିନାନ, ମାରି ସାନ୍ତି ଲୋକାଙ୍ଗ ଦୟା କିନାନ ।”

୬ ✱ମାରି, ମାପୁରୁଦି ସାନ୍ତିମାନି କିୟୁ ଆଡ଼ଗି ନିଜେ ନିଜେଦିଙ୍ଗ ତେବାକିଦୁ; ଏଣ୍ଡେସ୍ ଝାନ୍ ମିଙ୍ଗ ଟିକ୍ ବେଡାଦୁ ମୁସକୁ ପେରନାନ ।

୭ ମି ଝିଜୁ ସିନ୍ତାଦି ବଜୁ ମାପୁରୁ ମୁସକୁ ସର୍ପେ କିଦୁ, ଇରିଙ୍ଗ ଝାନ୍ ମି ଜାତୁନ୍ ଅନାନ ।

୮ ତିଆର୍ ଆଜି ଜାଗାରତା ମାନ୍‌ଡୁ, ମି ସାଡୁ ସୟତାନ୍ ଆଉଲି ଆନି ପାର୍ଗା ନରେସ୍ ଝାଜା ଏଙ୍ଗ ଡିଙ୍ଗଦେଙ୍ଗ ପୟ୍‌ଜି ଅସିନାଡ଼ ।

୯ ମିର୍ ବିସ୍‌ବାସ୍‌ତୁ ତାଟ୍ ତେବାଜି, ତାନିଙ୍ଗ ବିରୁଦ୍ କିଦୁ । ମାରି ଇକା ମିର୍ ନେସ୍‌ତିମାନିଦେର୍, ଇୟା ଦୁନିଆଦୁ ମାନି ମି ବିସ୍‌ବାସ୍‌ତି ତଡାନ୍‌କା ଉଣ୍ଡିଙ୍ଗ ଇୟାଝାଜା ଦୁଃକ୍ ଗଟେଆଜିନାଡ଼ ।

୧୦ ଝିଜୁ ଦୟା ସିନି ଆମା ମାପୁରୁ ନିଜେଦି ଝିଜୁଦିନ୍‌ତି ଗୌରବ୍‌ତୁ ମିସାନି ଉଣ୍ଡିଙ୍ଗ କ୍ରିସ୍ତ ଜିସୁଦି ମାଣ୍ଡୁ ମିଙ୍ଗ କୁକ୍‌ତାମାନାନ । ଝାନ୍ ନିଜେ ସାଣେକ୍‌ତି ଦୁଃକ୍‌ପୟ୍‌ତି ଝେନ୍‌କା ମିଙ୍ଗ ପୁରା କିନାନ, ତିରକିନାନ, ସାନ୍ତିକିନାନ ମାରି ତାଟ୍‌କିନାନ ।

୧୧ ଜୁଗ୍ ଜୁଗ୍ ଝାନିଦି ଆପିଡ଼ ! ଆମେନ୍ ।

ସାରାସାରି ମାଟା

୧୨ ✱ସିଲେଙ୍ଗ ବିସ୍‌ବାସ୍‌ତି କ୍ରିସ୍ତାନ୍ ତଡାନ୍ ଝାଜା ନାନ୍ ଜିବନ୍‌ନୋନା, ଝାନି ସାକାଦାନ୍ ନାନ୍ ଇୟା ଇସ୍ତି ସିଟି ରାସ୍‌ତାମାନା । ମାପୁରୁଦି ସଡ଼

ଦୟା ବିସୟତାନ୍ ସାକି ସିଜି ମିଙ୍ଗୁଁ ଖେଡ଼ିକା କିନିକା ନା ମାଟା ।
ଆୟା ଦୟାଦାନ୍ ମିର୍ ଡାଟ୍ ତେବାଦୁ ।

୧୩ ☆ମାପୁରୁଦି ମାଣୁକୁ ଆସକିଆୟାଆତିମାନି ବାବିଲନ୍ଦି ମଣ୍ଡୁଲି
ମାରି ନା ଦାମ୍ ମାରିନ୍ ମାର୍କ ବା ମିଙ୍ଗୁଁ ମାଡ଼ିସ୍ କିଜିନାନ୍ ।

୧୪ କ୍ରିସ୍ଟ ଜିବନ୍ନୋନିକା ନିଜେନିଜେଦିଙ୍ଗ୍ ମାଡ଼ିସ୍ କିନିକା
ଜାଣେକିଦୁ । କ୍ରିସ୍ଟଦିମାନୁ ତେବାତିମାନି ମି ଝିଜେରିଙ୍ଗ୍ ସାନ୍ତି ଆପିଡ୍ ।

☆ ୫:୧୩ ପ୍ରେରିତ ୧୨:୧୨,୨୫; ୧୩:୧୩; ୧୫:୩୭-୩୯; କଲସିୟ ୪:୧୦; ପିଲିମନ ୧:୨୪.

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja
Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-05-07

PDF generated using Haiola and XeLaTeX on 6 May 2025 from source files
dated 7 May 2025

506ae627-08e2-556a-b39e-5315f886d95a